



何仲默先生詩集卷第六

七言古詩

○柳絮歌

長安三月百花殘滿城飛絮何漫漫千門萬戶東風起陌上河邊春色闌美人高樓鎖深院白花濛濛落如霰晴牕窈窕朝日遲亂入簾櫳趁雙燕遊絲相牽時裊裊委地飄廊不須掃君不見江頭綠葉吹香綿隨波化作浮萍草

明月篇 并序

關西李三才校

僕始讀杜子七言詩歌愛其陳事切實布辭沉著鄙心竊效之以爲長篇聖于子美矣旣而讀漢魏以來歌詩及唐初四子者之所爲而反復之則知漢魏固承三百篇之後流風猶可徵焉而四子者雖工富麗去古遠甚至其音節往往可歌廼知子美辭固沉着而調失流轉雖成一家語實則詩歌之變體也夫詩本性情之發者也其切而易見者莫如夫婦之間是以三百篇首乎睢鳩六義首乎風而漢魏作者意關君臣朋友辭必托諸夫婦以宣鬱而達情焉其旨遠

矣由是觀之子美之詩博涉世故出于夫婦者常少致兼雅頌而風人之義或缺此其調反在四子之下予暇日爲此篇意調若髮髯四子而才質猥弱思致庸陋故摘辭蕪紊無復統飭姑錄之以俟審聲者裁割焉

長安月離離出海嶠遙見層城隱半輪漸看阿閣銜
初照歛灑黃金波團圓白玉盤青天流景披紅葉白
露含輝汎紫蘭紫蘭紅葉西風起九衢夾道秋如水
錦幌高褰香霧開瑣闌斜映輕霞舉霧沉霞落天宇
開萬戶千門月明裏月明皎皎陌東西栢寢岩堯望

不迷侯家臺榭光先滿戚里笙歌影乍低濯濯芙蓉
生玉沼娟娟楊柳覆金堤鳳凰樓上吹簫女蟋蟀堂
中織錦妻別有深宮閉深院年年歲歲愁相見金屋
螢流長信階綺櫳燕入昭陽殿趙女通宵侍御牀班
姬此夕悲團扇秋來明月照金徽榆黃沙白路透迤
征夫塞上行憐影少婦牕前想畫眉上林鴻雁書中
恨北地關山笛裏悲書中笛裏空相憶幾見盈虧淚
沾臆紅閨貌減落春華王門腸斷逢秋色春華秋色
遍如流東家怨女上粧樓流蘇帳捲初安鏡翡翠簾
開自上鈎河邊織女期一夕天上嫦娥柰九秋七夕

風濤還可渡九秋霜露迴生愁九秋七夕須臾易盛
年一去真堪惜可憐揚彩入羅幃可憐流素凝瑤席
未作當壚賣酒人難邀隔座援琴客客心對此歎嗟
跼鳥鵲南飛可柰何江頭商婦移船待湖上佳人挾
瑟歌此時憑闌垂玉筍此時滅燭歛青蛾玉筍朱顏
苦緘怨緘怨含情不能吐麗色春妍桃李蹊遲輝晚
媚菖蒲浦與君相思在二八與君相期在三五空持
夜被貼鴛鴦空持暖玉擎鸚鵡青衫泣掩琵琶絃銀
屏忍對篋篋語篋篋再彈月已微穿廊入闥靄斜輝
歸心日遠大刀折極目天涯破鏡飛

邯鄲行

邯鄲道上車馬多行人夜火渡漳河邯鄲女兒年十五能彈琵琶善歌舞青燈朱戶夜當壚壚頭酒熟喚客沽玉壺青絲爲君繫不妨醉向邯鄲途君不見邯鄲市昔日繁華安可擬鳴鑾佩玉青雲間鬪雞走馬紅塵裏平原門前客如雲千載淒涼竟何是黃金白壁成飛灰歌樓舞榭空流水傷心萬事俱可嗟草長叢臺白日斜廢苑當時在何處舊宮今日作誰家古來富貴俱寂寞有酒樽前胡不樂

馮都督歌

都督猛氣世不多一日百戰千里過賊頭纍纍十馬馱東至滄海南黃河宋門西平傳凱歌洛水轉關風揚波虜營晝雨淋滂沱面貫雙箭猶揮戈君不見諸將歸來金滿室生封萬戶食千邑都督河頭死爲伯

玄明宮行

君不見玄明宮中滿荆棘昔日富貴今寂寞祠園復爲中貴取遺構空傳孽臣作雄模壯麗凌朝廷遠勢連袁陸城郭憶昨已巳年來事秉權自謂熏天勢朝求天子死暮奪功臣第江艘海舶送花石戚里侯門擁金幣千人力盡萬牛死土木功成悲此地碧

水穿池象溟渤黃金作宮開日月虹蜺屈曲垂三梁
蛟龍盤拏抱雙闕城中甲第更崔嵬親戚弟兄皆閥
閥城里歌鍾賓客遊排門冠劍公卿謁生時千門與
萬戶葬地那遺一丘土石家遊魂泣金谷董相燃臍
歎堊塢宮前守衛無訶呼真人道士三四徒石戶蒼
苔生鐵鎖玉階碧草搖金鋪星宮晝開見行鼠日殿
夜禱聞啼狐遊客潛窺翠羽帳市子屢竊金香爐桑
田須臾變滄海桃樹不復栽玄都我朝中官誰最貴
前有王振後曹氏正統以前不得聞成化之間未有
此明聖雖能斷誅罰作新未見持綱紀天下衣冠
難卽振中原寇盜時復起古來禍亂非偶然國有威
靈豈常恃玄明之官今已矣京師土木何時止南海
猶催花石綱西山又起金銀寺君不見金書追奪鉄
券革長安日日迎護勅

崔子行

予之至京師也友人崔太史子鍾見之曰父
不聞何子言矣爲我作崔子行

崔生自返金陵謫騎馬復走長安陌時危頗負經濟
才海內俱識文章客自從盜賊近神京四海不見煙
沙青黃河流血日慘怛中原戰骨霜縱橫朔方兵馬

又已弱天下財賦難盡推書生不得言世務大臣誰
有匡時畧我到長安訪交友子與河內猶相厚感君
戀故有綈袍吐膽傾心共杯酒六年更見玄都花萬
事空傷薊門柳河內憂時未解顏子亦談兵不輟口
金礦玉璞隱光曜紫氣龍泉鬱盤久議論反遭時輩
忌形容豈免流俗醜王良伯樂不在御驊騮裏徒
能走人言古人未可輕古人往往皆無成子雲老大
不曉事殷浩當時空有名事去惟應嗟白首時來未
必濟蒼生卽今風塵尚瀕洞羽檄飛符遞相送西北
山河戰角悲東南天地軍麾動江海未見魯連耻

朝廷不聞賈生慟塵埃早知才質殊霄漢况覩名聲
重闕宮清廟待琴瑟大厦明堂要梁棟天生公等世
所須努力他時有人用

東海太守行贈徐以敬

西曹大夫東海太守且停爾車飲我酒二十讀書飽
經術腰下組綬無一尺一朝天子賜五馬十年官
至二千石漢家盜賊滿山東十城九城荆杞中王食
常懷股肱郡蒼生久慕循良風况君兄弟皆甲第出
入光輝無與比兄飛仙舄宰王畿弟握侯符長干
里四世五公自此始不見關西揚伯起

何仲異詩集 卷之六
憶昔行

序曰予上京師之二年汝正有湖南之行新政施
廢故人幾何晤語未諧離告又卽愴然悲歌不能
自己感念往昔要之將來耳

憶昔長安相會日君方壯年我年小只今容顏有更
變何況世事無紛擾 先帝衣冠半零落十年賓友
全稀少君今始作紫薇臣笑我金門落魄人馮唐上
書亦笑老子雲識字空愁貧艷陽三月桃李耀君非
壯年我非少花開酒熟君遠行可惜春風阻歡笑明
星迢迢車關關遙向楚水辭燕山但看朱紱在腰下

莫使白髮生顛間武昌城邊江色澱襄陽漢水尤堪
羨東行何日訪鱸魚南飛不得隨鴻鴈少癖山水耽
雲松兩年楚上多行蹤浮湘直下三千里望岳遙瞻
七十峯知君跌宕輕駟馬顧予豈是功名者安得浮
沉 帝座旁會須覽眺蒼梧野蒼梧風煙秋色開武
昌高樓吹笛哀帝乘白雲去不返仙人黃鶴何時來
君行訪古兼化俗長揖輜軒指南極岝上遊穿羆虎
林潭中坐傍鼉鼉國他時倘覓桃花源北風爲爾傳
消息

田子行

何仲異詩集 卷之六
君不見黃河西來北入海千載却倒東南流淮水如
絲納九曲桐柏山作崑崙丘我家清淮邊君家大河
側開闢二水今合同人生變化無南北田子之生河
降神十五手掣生麒麟二十辭家觀國賓三十謁帝
爲近臣赤墀青瑣日月上金馬銀臺河漢津自矜一
身遇明主便欲登天叩天鼓天門晝闔守虎豹雲師
屏翳雷公怒煙氣縹渺隨飛龍電光閃爍笑王女太
清星辰下羅列歛忽閶闔生風雨丹誠不迴白日照
杞國憂天獨勞苦我持彤管雙鳳翎浮沉 帝旁戲
紫庭文園著書久消渴據地酣歌常不醒長安少女

花在側茂陵美妾空娉婷漢皇不好相如賦方朔誰
知是歲星愛君襟期特竒邁諫垣給舍持風采平生
古今開萬卷搥筆風雲動五彩致君堯舜豈無術許
身稷卨終難改袖中一扎諫獵書三歲磨滅未見採
鍊石何時更補天銜沙枉自思填海君不見楚人當
時不識玉海客無心采明月明珠暗投及按劍白璧
三獻還遭刖連城高價後始定照乘竒光有時發鳳
皇不及鳴鴉鳴駑駘却笑驩驩拙君不見長孺從來
笑積薪公孫布衣爲漢臣千秋開口取卿相董生白
頭甘賤貧萬言不如一言重直絃曲鈞安可論賈生

何能得絳灌任安徒事衛將軍我今與子俱落魄過
飲悲歌慨今昔咸陽酒客五花馬邯鄲博徒千金擲
古來豪俠亦可喜可憐聖賢皆厄塞豫章千雲世希
用龍泉貫斗人難識神駿番爲轅下駒冥鴻已愧籠
中翼出門與子常相憶清淮大河見顏色

苦熱行簡問良伯

六月二十火雲發京師毒熱勝吳下清晨衣冠不敢
出對食欲餐汗滿把閉門袒跣真發狂隱几寤寐何
由假風雲昨日忽入城疾雷破墻雨破瓦此地樓臺
更鬱蒸西山殿閣空瀟灑姑蘇才人玉堂客鄰近不
得同杯斝因君欲訪姑蘇臺臺下清江千尺瀉上有
萬竿修竹林千雲蔽日森炎夏君不見九衢亭午日
如赭鳥飛投林獸奔野紅塵騎馬何爲者

樂陵令行

山東郡縣一百八無有一城無戰場到今漂血成野
水如山白骨橫秋霜雲臺功高將不收投筆亦有書
生謀黃金大印賜豪貴白面豈得言封侯唐朝公卿
集如雲平原太守名不聞二十四城見賊走抗城乃
是平原守君不見前者寇盜時縣吏州官各亡命北
梁白馬終日行濟上黃旗錯相映不聞開門戰但聞

開門迎嗟乎平原太守樂陵令

同崔呂孫內翰集徐子瞻辰樓

秋日徐君北樓上北樓岩堯連北斗牕牖臨觀日下
花闌干坐拂天中柳南州孺子美如玉北門詞客同
杯酒咫尺金門接玉堂碧霄共立空翹首

少谷子行

少谷子在武夷之山二十抱策叩燕關朝排閭闔暮
湖海九霄萬里身翻攀豈徒聲名冠帝里要使蹤蹟
窮人寰竭來京華始一識意氣形神兩相得肺腑真
成水石痼詞章亦帶煙霞色龍姿鶴性不易馴海思

江情浩共極頃將東遊覩岱宗便欲下泛滄溟中鼉
風奔浪岩洞黑鼇日壓山樓觀紅南浮江淮覽吳越
復上會稽探禹穴去鳥晴生鴈宕雲飛虹夜躡天台
雪波濤窈眇岑嶠移遍訪名山入武夷仗劍不憂百
怪出采芝或得羣仙隨只今妙年始三十辭官讀書
志何逸九曲煙花對草堂三山蘿月開芸室已看鳳
皇在千仞回首驂騑空萬匹八月高城氣稍勁流螢
木葉交相映燕山遊子落日吟海濱歸客秋風興他
日遙尋少谷峯武夷莫作終南徑

觀石鼓歌

我來太學謁孔廟下觀戟門石鼓陳之罟不詛楚幾埋
沒此石照耀垂千春苔昏蘚澁讀難下蟲雕鳥剝細
不分古畫詰曲蛟龍隱石氣慘澹煙霧氛周王功勳
史籀筆數石散落岐陽濱中興氣象豈復覩大篆意
格誰曾聞先秦文字稍近古兩漢摹榻多失真六朝
以來尚靡麗鍾王往往稱通神唐韓宋軾迤歌歎長
篇險韻何悲辛大觀之間入汴國君王好藝崇斯文
高駝巨艦遠載致金填玉嵌傳相珍靖康乘輿忽播
蕩保和玩物隨煙塵神驅鬼守散復聚至寶豈得空
沉淪文皇北來定燕鼎不置太廟留成均博士無煩
上書請書生頗得親講詢虛廊畫壁安置穩大厦長
簷覆葢新不隨鍾鼎怨磨滅已與琬琰爭嶙峋平生
博覽愛古跡世上墨本徒紛紜此雖殘缺歲已久尚
覺隻字輕千緡壁池日月動華袞奎閣星斗羅貞珉
嗚呼孔廟在萬世此石與廟長無湮

九川行

君不見自從天地開天下之水皆西來黃河崑崙一
線出下轉秦甸轟奔雷長江廣漢兩盪潏濁涇清渭
中縈迴帝遣九龍下治此江漢安流涇渭理華嶽中
斷仙掌高却放黃河行萬里九龍蜿蜒上天去至今

猶餘九川水秦中雲雨四時遍此地塵沙幾回徙我
來長安不見九川水得見九川子九川子是常人
朝辭川上麋鹿羣夕登青瑣爲帝臣已從華袞補
日月况執彤管排風雲長風西來吹北極西望川流
渺何極野岸空懸舟楫心塞林暮繞波濤色吁嗟江
漢猶阻兵中原不見黃河清虺蛇豺虎滿道路黃埃
濁浪無人行九川子何不更鞭九龍起坐視天下橫
流水

畫菊歌

楊郎畫菊只三本千花萬草無顏色夏卿墨竹差可

比陶生桂樹何須得徐君向我誇所有閣中携此更
携酒翠幔披雲出院遲金杯映日凭闌久深黃穠紫
雜煙臯想見五色臨揮毫叢篁瑣碎白晝靜錦石爛
熳霜天高楚江茅堂若在眼鳳闈形闈對秋晚白葛
飄零處士稀朱絃寂寞佳人遠寒香晚節真可憐惜
哉楊郎不在前開牕爲我拂絹素落筆點綴黃金錢
徐君徐君珍重此君不見天寒歲暮百草死綺羅無
地看桃李

題文與可畫竹上有東坡山谷題識

客從南方來見予手持錦軸長丈餘云是與可之畫

蘇黃書中堂展玩思超忽四百年來真故物敗素飄
零色已改古墨慘澹神猶發文生此竹世希有一枝
不異雙瓊玖冥冥煙幹動石壁瑟瑟風葉臨牕牖筆
下何須掃萬竿曾中已自橫千畝眉山長公元擅場
豫章太史誰可當片言相推四海重隻字尚使千年
藏客從何處得此幅令我嗟歎久憐惜蘇黃不作與
可死人間書畫無真跡勸君寶此勿輕擲

送葉生還閩中兼懷鄭繼之

葉生行吟燕市中葛巾麻鞋歲將晚兩都爲客今始
歸五岳尋仙不辭遠江南畫舸春柳低海上茅堂白

雲澗谷口如逢鄭子真爲道棲遲未應返

題董車駕畫竹

畫竹忌屈不忌直息齊由來有筆力今日畫圖幾百
年人間尚自留真墨空堂畫桂風雨寒明滅纖霧生
微瀾細觀見竹不見畫何時石上削此三琅玕八閩
高士黃司馬平生好文兼愛畫碧草停珂夏省中白
雲卷幔晴牕下每逢賓客出評品遂使破素增高價
開圖似惜孤鸞叢胡爲寫置荆棘中君不見洞庭之
上瀟湘岸翠篠修篁沙草亂鳳皇不棲鷓鴣怨

吳偉飛泉畫圖

長安獨過田子舍留我一玩飛泉畫絕壁如聞風雨
來晴天安得蛟龍挂吳生跌宕得畫理潦草落筆皆
可喜飛泉却出香嶂間山卽真山水真水客堂六月
生晝寒耳中髣髴高江灘源潭窈窕不可測波浪洶
涌多竒觀泉邊二老顏色異偶坐似是莊與惠萬里
誰論到海心百年詎識臨淵意偉哉田子今儒宗文
標南指匡廬峰不須對此更惆悵會觀瀑布青天上
杉風松日隔縹緲雲瀧雪瀨何雄壯我常夢往神空
向豈無吳生好手筆爲我寫寄廬山障

送林利正同知之潮陽

憶在成均共携手泉山門下相知久萬里恩情若父
兄十年道義慚師友君才豈孤一第名佩刀今作嶺
南行挂帆夜宿天邊樹伐鼓朝登海上城燕京相逢
顏色好相逢何難別草草過家登堂壽禮畢道予問
訊泉山老

畫魚

大魚昂藏若人立銜波跋浪風江急傍觀二鯉各有
神倏忽波濤隨出入中堂鬚鬣動杳冥坐久始識爲
丹青青天萬里拂綃素筆力咫尺開滄溟禹門天池
雲霧裏白晝雷霆何地底何人有力移置此酒酣相

視不改容只愁化作三蛟龍

金陵歌送李先生

季公爲舅有呂甥舅四海皆知名呂君關西昨日
去公自金陵來復行金陵江水無斷絕金陵之山高
巖巖龍虎千年抱 帝京星辰萬里羅天闕白鷺州
前芳草歇清江浦上看明月燕山北望花如雪

送何燕泉今昔行

君不見燕泉何子生南岳十八名聲動江海年今四
十少方伯富貴由來重文采金章紫綬乃自致黑髮
紅顏未曾改憶初射策逢 先皇我爲進士子爲郎

芳花醉踏清沙苑春樹吟開畫省堂每投桃李報瓊
玖多謝相知更相厚倚玉元非異姓兄斷金況是同
心友寧知世事多變更岐路人間各分手四海風塵
半甲兵十年意氣還杯酒子方出守紫薇垣予亦棲
遲金馬門黃金盡識故友態白璧翻思 明主恩中
原送別哀離亂汝水嵩川客心斷行馬秋館清洛流
戰場暮弔黃沙岸薊桑青青燕草碧梁王城邊杏花
白功勳名位行有期慷慨爲子歌今昔

與崔子同送劉以正還關中

燕山芳草歇已久行子西行更回首駿馬春停渭曲

花金鞭暮指秦中柳看君兄弟皆豪雄十年側想中
丞公東山雲月卧未起北海賓客誰相通荷華初紅
酒初碧汝歸登堂見顏色若問長安舊友生崔何二
子常相憶

赤壁圖

周郎舳艫大江半曹氏旌旗眼中暗當時萬馬下中
原江水千年餘斷岬黃州逐客玉堂仙停舟到此悲
秋天龍爭虎鬪慨往事酌月酬風懷昔賢古人今人
皆已矣吁嗟丹青乃誰子赤壁之山足如此

雷黃門凱旋圖歌

漢家賊盜臨京都西衝河塞東海渦虎豹奔突豺狼
呼天子九重怒按劍將軍五道催飛符黃門鐵鞴
按營壘監視將軍奉天子征者不憂居者喜曉戰
遙隨金鼓前晝行獨擁旌旗裏煙沙忽傳畿甸清黃
門奏捷旋神京將軍歸來天子迎冊書十萬納御
府勲級三千羅紫庭封侯拜將珥貂列白衣緋金照
雲月黃門功多不自說受爵元看陸機小却賞誰知
魯連潔高堂白日披圖新戎衣慘淡猶風塵坐令慷
慨悲今辰書生從此識汗馬丈夫常憶畫麒麟
醉歌贈子容使湖南便道歸省兼訊獻吉

徐卿此行壯觀莫與伍東將入吳西入楚都門張飲
慨今昔酒酣拔劍爲汝歌起舞 聖朝分封重茅土
詞林禮樂超前古冠冕諸邦拱 至尊冊書十道開
天府匡廬峯南繞江漢洞庭武昌半樓觀壽酒花開
海上堂使舟草滿湘西岸憶卿翻飛霄漢裏結交豈
少青雲士眼中何人最知己十年之交吾與李李生
近買陽羨田又欲鼓柁襄江船風塵落日倘相遇爲
我問訊江湖前

薛生行

君不見少府忘年交彌衡中郎倒屣迎王粲坐間賓

客盡傾倒海內賢豪流英盼古人愛才今不如薛生
豈得無嗟歎昨來布衣見 天子日向長安乘欵段
公卿門前耻干謁東歸把釣黃河岸年少今看萬卷
開遠遊自負三山願丈夫有才須用世未許終身隨
草蔓間居好著子虛篇行路長歌白石爛

晚雨公卿招不赴

騎馬出門還復入六月陰晴不可卜簷前星出乍有
無城上雨來時斷續炎天畱客夜苦短燕地近秋暑
偏酷何人同對寺中花憶爾獨伴啼鳥宿

晚過田水南有贈

何仲默詩集 卷之六 十七
田郎閉門著書今幾卷我欲與子數相見謔浪雖稱
青瑣賢經過罕識黃門面長安雨積鞍馬稀堂下苔
生集秋燕四海何人問草玄一經徒使桓譚美

延津歌送韓令

延津寇過餘少男延津縣令莫停驂雙鳧直向黃河
北一鴈先飛清衛南黃河岸邊不種麥濁浪滔天多
賈客城中少男爾勿愁縣令到時爲買牛

修竹篇

君不見真翁堂下竹貫日干雲千尺高亭亭萬木避
霜色颼颼空巖迴翠濤平生直節本無偶手栽琅玕

種瓊玖風月何曾忘此君松梅况自稱三友東曹郎
君翁所竒節槩更與翁名齊神龍昔向滄波化彩鳳
今從玉樹棲高堂茲辰開壽籙却洗金盤對春竹霓
旌晝下仙人車雲管宵停羸女曲翁家舊住上林西
托根自近蓬萊池雪崖冰柱映樓閣雨露常沾萬歲
枝

谷進士宴歸歌

五城十樓春窈窕九衢夜半人行少月高醉客金鞭
垂花簇銀鞍弄驪裏我 皇九載羅豪英坐收四百
皆才名四百人中見谷生綠袍白面誰不驚谷生自

何仲默詩集 卷之六
昔中州士布衣三來謁 天子十年讀書梁王臺一
日走馬長安市長安鍾鼓聲入雲相逢却避新郎君
赤赬在天振羽翼神駿得路超凡羣嗚呼此圖人共
羨已識君身不貧賤萬言莫忘北闕書千載長記南
宮宴嗚呼此圖人共羨

遠遊篇

君不見昆明池去京一萬里山盤海曲在天上日轉
星旋羅地底生神發秀千百年太宰源流自茲始七
歲辭家朝 帝京登台踐斗榮身名水木更起丘原
情請 帝帝遣中書行中書此行 天子重赤車駟

馬都人送岳樓畫錦湖光開京口春帆江色動瀟湘
龜鼈經水國衡巫瘴癘雲來黑銅柱標南問南紀錦
宮城西指西域揮毫憑軾驚蠻夷却似太宰中書時
相如使蜀人同美遷史浮湘志自竒憶昔滇中爲使
者黔公宴我滇山下酒罷曾彎壯士弓賦成尚倚將
軍馬今日看君萬里歸山川草木倍光輝公卿禮數
古來少父子聲名天下稀五華岡頭日朝放點蒼山
北雲如障遠遊可樂須早還 帝里親闈兩相望

王都諫畫鷹歌

蔣生畫鷹筆勢何昂藏塞林海嶂產真骨歛爾飛立

都諫之高堂千年古色動崕壑一匹素練開風霜都
諫常稱蔣生筆此鷹神駿果無匹乍見遙驚俊思生
細觀轉覺竒姿出人間鷲鳥各異種紛紛搏擊相矜
寵飽颺饑附更誰憑掣臂翻鞞空自勇此鷹不逐群
飛羣亦似都諫獨立霄漢當天闌羽毛森然振赤日
意氣矯欲排翔雲君不見郊原白日荆棘簇射獵無
人敢馳突樹裏鴟鳶尚九霄草中狐兔仍三窟爾鷹
爾鷹安得一起乘高秋惡鳥不鳴獸辟易再使郊原
麟鳳遊

哭幼女行

二十生男不解愛頗厭世門兒子態年來抱女心甚
憐却悔從前空慷慨女生一歲眉目揚笑指兄姊羅
成行鏡裏嬌啼映牕牀前學步牽衣裳春風吹魂
魂不住來從何來去何去錦襦曾占夢月時玉錢又
哭埋香處乾坤得失安有憑昨日樂極今哀生常怪
他人不快意乃知我輩真鍾情皇天能生亦能死造
化弄人每如此雲散雲凝亦偶然花開花謝緣何事
婦人性癡還過傷奔走叫號如病狂作詩示妻兼自
解轉見人間父母腸

劉武選百鳥圖

鳴呼鳳皇不可見人間百鳥空啁啾西飛鴟雀亦五色滿眼誰別梟鸞儔劉侯此圖愛者衆畫者莫識元與宋粉繪剥落綺素新萬羽千毛尚飛動侯言此畫先人傳珍藏未肯克南貢十襲翻令錦繡輕百年轉見丹青重頃來數相見手携登我堂開圖見百鳥從此雙鳳皇鸚黃鳥黑影可辯行鳧立鷺遙相望延頸戢翼各共向宛如萬國臣妾朝天王君不見蜀道阻絕岐山已頽瀟湘無人衡岳崔嵬竹實未結桐花不開鷓鴣怨杜鵑哀鳳兮鳳兮何時來

畫竹

殷君示我林垵竹臨風寫雨奪天巧尺縑蒼筤只兩根氣勢已覺千林少蚪蟠鳳起倏有神出雲入霧何縹緲聞君魯門西草堂萬竿白日森煙霜怪道君身瘦如竹只對此君不食肉

裕州行

今年春夏雨不絕黃河以南漸殺麥裕州城中十萬家自經寇盜惟黃沙名商大賈歲不集新絲舊穀嗟何及郝侯五馬天上來塞帷露冕開風霾教農服田賈服賈只有牛馬無豺虎

石川子歌

石川之水東流入東海濤雷瀨雪幾盪齒白石爛爛
色不改泰山嵯峨青石室樓閣窈窕雲霧密懸峯牕
牖瞰海底紅輪倒影扶桑日波上三山渺安在海靈
冥冥現百怪蛟螭九首盤爲梁神仙萬古長相待石
川子七年葺茅卧煙島餐藜被褐身懷寶海東隱淪
見面難地北潛夫著書早自從召起縮銀章常夢山
中把瑤草白雨青蘿晝自垂沙風赤葉秋空掃京華
相遇謫仙才笑解金龜沽綠醅花邊昔放雙鳧去雲
裏今騎一鶴來蔣琬元知非百里李渤終爲諫官起
冥鴻逝鵠須爾期天路雲衢自茲始君不見魯門海

鳥本避災國人祀之反求福雖有鐘鼓羅玉饌驚鳴
駭顧安能食男兒固要爲龍蛇胡爲屈身終日隨塵
沙

七夕詞

雙星渡河月西沒悲參怨商愁夜獨宵闌箕斗自低
昂心憐情恨看七襄人生失意無賤貴寒機織婦鴛
鴦思金屏玉瑟宮娥淚

杏林曲

君不見蕭御醫何年種杏成杏林霞蒸日爛開芳甸
門庭垂實虎晝守飛花九陌人人羨菊泉橘井俱仙

何仲異詩集 卷六
靈豈如萬樹春風散 今皇御醫皆不賤麒麟緋袍
常引見奉 詔時翻本草經承恩數錫仙桃宴君今
一身官未尊白頭抱藝趨金門輕財重義世罕比起
灰回生不自論林中有草金光耿服食可以延壽命
蕭君蕭君進此藥令我 皇帝萬歲無疾病

三山春宴圖歌

自有三山鎮京口形勢跨絕東南山江吞海吐互變
見參天峙地何嶢岈憑風倒景萬樓閣動搖縹緲虛
無間色開島上金銀闕氣接天中龍虎關我從唐翁
畫圖見大夫指點三山宴仙人驂鸞倏來往煙鬟霧

珮流雲霰江桃千春一放花海桑亘古終難變開圖
爲寫長生詞却訝丹青山水奇白浪閃灼金芙蓉青
天靜拭青瑠璃蓬萊下用六螯載緱嶺遙將雙鳳騎
地靈生人本非偶禱尼降嶽理亦有大夫家住三山
口絲衣歸來奉翁毋願言壽比三山久

河嵩篇壽張母

梁王古城河水頭北堂坐對嵩山丘雲間二室三花
樹天上崑崙九曲流絳霄寶婺光射地星宿潛通河
嶽氣緘書爛熳歌白雲長安遠附青鸞使

周儀賓朝天歌

周君來從大梁發，搖鞭却指秦樓月。燕山臘盡春未
生，可憐裘馬衝霜雪。憶昨雲霄謁帝關，春卿引見
紫宸班。天門九重羅虎豹，一月不得朝龍顏。館甥
帝室恩數少，尚女王家禮非小。中山更傳聞樂對
陳王，亦進通親表。伊昔梁王全盛時，車旗從官皆漢
儀。遣使常聞八珍送，入朝數賜飛龍騎。百餘年間事
勢殊，諸侯出或乘驢車。朱門賓從想冠劍，白頭王孫
行路衢。君歸爲我一問訊，梁園賦客今何如。

同李進士觀銅雀硯歌

君不見鄴中魏帝無宮殿，千秋遺瓦磨爲硯。墨客騷
人空歎嗟，朱甍綺構誰曾見。李君好古精鑒別，冬天
拂拭開煙雪。虛堂叩之哀玉音，泥沙洗出黃金屑。廣
州紫石鸚鵡眼，歛山龍尾何希罕。濡藻光迴星漢垂，
蟠花背刻龜螭斷。共憶高臺羅綺春，翠眉艷骨飛黃
塵。提携故物悲年代，感慨新章泣鬼神。君不見臨漳
此物難復親，河沉岍坼求者苦。縣人相傳爲厲古，嗚
呼日掘西陵土。

送五清先生赴浙江提學歌

天台文宿衝紫霄，先生捧勅馳星輶。赴山桃李花萬
樹，春色早渡錢塘潮。憶昨先生遭斥逐，漂泊湖湘望

何仲異詩集 卷之六 二十四
巴蜀九江鴻鴈春冥冥七澤龍蛇畫盤曲洞庭天高
急霜霰冰河雪岍開燕甸北來驄馬一日聞傾都走
識先生面十年卜築楚村墟萬里今瞻漢宮殿當朝
門生貴不少 先皇學士人猶見金門誰畱供奉班
銀魚舊錫恩榮宴長安春迴獨回首翠煙漸入龍池
柳薊門禹穴自此分送餞先生百壺酒丈夫軾軻心
不疑賢聖流離古來有已看身作指南車况復名高
懸北斗隋珠和璧世珍重眼前點毀終難動聖人不
久奏雲門海內近亦求梁棟琴瑟須聆清廟音豫章
旦待明堂用我聞衡嶽與天參七十二峯江漢南不
然信此可棲息無使天柱石鼓空巉巖

贈范君

桂陽之山石巉巖四時雲氛流杉松江開秀色蟠三
楚天削芙蓉羅七峯翩翩煙霧下鳳鷲往往霹靂隨
蛟龍鍾竒產異理亦有黃金丹沙間瓊玖何況人傑
非地靈碩士名儒映先後君山燕泉各一時晚逢范
君亦其偶范君古貌更好古問之君山乃其祖學海
遙聞前輩風詞場獨覺良工苦君為進士宰江縣頗
厭簿書耽筆硯神龍未應困泥滓驕驕會自追風電
君山十年紀相見君如見君山面燕京四月花滿甸

邂逅不得同遊宴花間送爾雙鳧翔廬山高尚橫玉
梁雲亭燕過一回首月明琴靜誰舉觴我自辭家來
帝鄉宿賓舊友稀登堂悵望南邦思桂陽念今道故
增悲傷

相逢行贈孫從一

長安風吹萬楊柳與君走馬相逢久昨朝邂逅樽酒
間二十年來一回首我官十年前君官十年後眼底
相看已壯齡世間萬事真翻手憶初少小來東曹君
家兄弟同遊遨尚書庭前兩玉樹白日粲爛秋風高
爾時見君氣已豪花顏雲髮青錦袍石麟在天動鱗

甲赤鳳排雲生羽毛只今骨格殊恒調傾都見者嗟
英妙恨不置之玉堂賓誰令久待金門詔未嘉山水
稱絕竒且與謝客同襟期花裏開簾仙吏出松間着
衾山人隨尚書風義古無比如君更是尚書子尚書
東山間白雲高卧不爲蒼生起漢庭我亦東方生悵
望名山無限情海雲浩歌起春色送爾萬里東南行

李大夫行

君不見大梁進士年未三十官大夫金鍾翠釜識國
器汗血飛黃看過都昨來走馬長安道一日聲名盡
傾倒墨卿學士兢迎致搖筆登壇爲揮掃廬前王後

何仲默詩集 卷之六
不足論曹劉沈謝升堂早我方避世金門前君獨時
時向草玄金聲一擲天台賦鳳沼常留春草篇憶年
二十當弱冠結交四海皆豪彥文章天上借吹噓杯
酒人中迴顧盼十年流落失邊李詞場寂寞希篇翰
自從去歲得李薛令我倡歎增顏色對坐相看兩鳳
毛破圍貫籍千軍力安陽崔史文絕倫意氣頗與二
子親蘇臺徐卿愛才者曲巷往往停車輪斯文在天
未墜地我輩努力追前人波頹瀾倒挽一髮鯨翻鼈
擲爭嶙峋薛生歸釣黃河岍君亦遙維沔川纜霄漢
終還五馬車江湖暫解雙龍劍古來丈夫或未偶畏
途軼軻無不有李廣羞過灞上亭曹生愁醉長沙酒
倘遇馮唐老見君一言更薦雲中守

太白山歌

我聞太白橫西域百里蒼蒼見寒色靈源萬古誰窮
探雷雨窈冥巖洞黑中峯迢迢直上天瑤宮玉殿開
雲煙千盤萬折不到頂石壁鐵鎖空高懸陰崖皚皚
積古雪絕壑長松幾摧折鳥道斜穿劍閣雲龍潭倒
映峨眉月高僧出世人不知飛仙凌空笙鶴隨洞天
福地在只尺悵望塵海令心悲

子昂畫馬歌

學士宋王孫畫馬皆龍姿曾寫飛黃出天廐尚留雲
影落瑤池池頭馬官錦靴袴緩鞚長牽時拂顧萬里
精神開絹素百年毛鬣生風霧吁嗟內乘無人識想
見奔騰過都國翠仗朱軒數往來金羈玉勒增顏色
只今 天子罷南征又聞東巡遼海城安得四馬忽
然生登臺一顧千金輕天上常隨八駿行

何仲默先生詩集卷第六

卷之四